



UNIVERSITÄTS-  
BIBLIOTHEK  
PADERBORN

**R.P. Valerii Reginaldi Bvrgvndi Seqvani E Societ: Iesv,  
Praxis Fori Poenitentialis**

Ad Directionem Confessarii, In Vsv Sacri sui muneris ...

**Regnault, Valère**

**Mogvntiæ, 1617**

[Præfatio De Ratione Et Varietate Finis.]

---

[urn:nbn:de:hbz:466:1-78322](https://nbn-resolving.org/urn:nbn:de:hbz:466:1-78322)

# LIBER SECVN- DVS, ET OPERIS TO- TIVS DVODE- CIMVS.

DE IIS QVAE AD IVDICANDVM IN  
genere de peccatis consideranda sunt ex par-  
te finis.

PRÆFATIO DE RATIONE ET VA-  
RIETATE FINIS.

**P**ECCATVM pro fine potest tantum  
habere bonum: seu verum, seu saltem  
apparens, quod propter se expetitum  
faciat ut aliud propter ipsum expeta-  
tur. Ratio est, quia peccatum est actus  
humanus, seu voluntatis liberae; qua  
tantum fertur in bonum verum aut saltem apparens, ut  
experientia docet. Imo bonum ut rationem finis sortia-  
tur, debet propter se expetitum esse. Nam quod tan-  
tum propter aliud expetitum, medium est quidem ad fi-  
nem, sed non est finis. Debet item fieri, ut propter ip-  
sum aliud expetatur. Nam nisi expetitum faciat ut a-  
liud propter ipsum expetatur, non habet vim causa fina-  
lis: quae ad media propter ipsum expetita, tanquam ad ef-  
fectus suos proprios, ordinem respectumque inclu-  
dit.

Distinguitur verò istiusmodi finis in ultimum, & me-  
dium. Ultimus dicitur, qui expetibilis est propter se, &  
cetera propter ipsum: non autem ipse propter aliquid a-  
liud. Medius verò, qui & propter se, & propter aliud  
expetibilis est. Qui uterque rursus distinguitur in ve-  
rum & falsum. Ultimus verus, est solus Deus super omnia  
diligendus Deut. 6. Matth. 22. Matth. 12. in quem vo-  
luntas nostra, tanquam impetus quidam, anime à natu-  
ra insitus, sic tendit, ut in nulla alia re, tanquam ultimo  
omnium termino sibi praefixo, penitus conquiescat, iuxta  
illud D. Augusti, sub initium suarum Confessionum. Quia  
fecisti nos ad te, inquietum est cor nostrum donec requie-  
scat in te. Ultimus falsus est, quem homo pro sua falsa i-  
maginatione, per summam impudentiam, & solidita-  
tem sibi fingit, vel expresse vel tacite, ut Epicureus vo-  
luptatem, iuxta illud ad Philipp. 3. Quorum Deus ven-  
ter est. Medius verus, est bonum aliud à Deo, quod  
verè tum propter se, tum propter aliud amabile  
est.

Cum autem bonum omne aliud à Deo, vel honestum  
sit, vel vile: ut confirmat D. Thom. in 1. part.  
quæst. 5. artic. 6. id est, ut D. ipse Thomas ibidem in  
solutione 2. argumenti interpretatur: quod in seipso  
habet ut virtus & scientia: tum etiam bonum delectabi-  
le, id est, ex eodem D. Thoma, quod nihil habet  
unde appetatur præter delectationem, quam procreat:  
cum de reliquo sit nonnumquam inhonestum, & noxi-  
um ut patet in voluptatibus carnis. Quo non obstante,  
habere rationem boni per se, Caieta. ad primam secundæ  
quæstio. 4. artic. 2. confirmat ex eo, quod in se habeat  
unde simpliciter finiat ac terminat appetituum mo-  
tum, absque ordine ad aliud tanquam ad fi-  
nem.

Medius autem finis falsus, est ille qui vel non potest  
esse amabilis propter se: vel bonum vile, qui non habet in

se, inquit D. Thomas in eadem solutione secundi  
argumenti, unde desideretur: sed desiderabile est solum  
tanquam condacens ad aliud: sicut potio amara conducit  
ad sanitatem. In quo finis genere Nauarr. in comment. de  
finibus actuum humanorum numero 5. & in sequent. 24.  
expressè ponenda esse: tum bona pecuniaria, seu diuicias:  
tum etiam honoraria; nimirum reuerentiam, laudem,  
honorem, famam, & gloriam: tum demum bonum  
quod non potest esse amabile propter aliud: ut Deus Opt.  
Maxim. cui repugnat habere aliquid maius, aut di-  
gnius: atque adeo ordinari in aliud, tanquam in fi-  
nem.

Ceterum ad iudicandum generaliter de peccatis ex  
parte finis actuum humanorum, duo maxime conside-  
randa sunt: unum est debita habitudo inter finem, &  
medium quo queritur: alterum debita intentio hominis  
propter finem agentis. Quibus duobus in materia mor-  
ali finis effectum, seu illud quod propter finem agitur,  
oportet esse definitum, tanquam conditionibus quibus  
deficientibus ipsum deficere, moraliter que malum esse  
contingit: iuxta illud iritum ex D. Dionysio in cap. 4. De  
diuinis nominibus, Bonum est ex integra causa, & ma-  
lum ex singulis defectibus. Cum igitur actus humanus  
sit quidpiam quod agitur propter finem; ut de eo iudice-  
tur, malum peccatum ve sit, tales conditiones debent in  
in eo considerari. Ad prioris ergo considerationem aggre-  
diamur.

## CAPVT I.

De habitu debita inter finem, & medium quo  
queritur.

### SVMMARIVM.

1. Peccatum committitur, cum id quod de se bonum est, fit malo fi-  
ne.
2. Medium ex fine bonitatem & malitiam acquirit.
3. Peccatum committitur querendo bonum finem malo medio.
4. Quando potest proregulari superari: Illud cuius finis est bonus, ipsum  
quoque est bonum.
5. Peccatum committitur, querendo finem qui non est aptus medio quo  
queritur.
6. In quo consistat eiusmodi aptitudo.
7. Actus humani finis, quidam est principalis, quidam minus principa-  
lis.
8. Duplex discrimen in finem malum, & finem non aptum medio quo  
queritur.

**D**E hac habitu debita docendum est; quando ipsa deficiat  
in actu humano; id enim est, per quod ex parte finis iudicatur,  
num is malus, peccatum ve sit. Censetur ergo tunc  
deficere, cum vel finis ipse malus est, vel medium quo qua-  
ritur est malum; vel quamuis tam hoc quam ille sit verum a-  
liquod bonum: tamen finis non est aptus tali medio, quo  
queritur. Atque ut actum humanum constet per vnum-  
quemque talium defectuum sortiri peccati rationem, regu-  
las singulas de singulis constituemus addita confirmatio-  
ne.

Peccatum esse, querere malum finem bono  
medio.

### SECTIO I.

**P**rima igitur est. Peccatum committi cum finis malus  
est, etiam si queratur bono medio. Hæc confirmatur pri-  
mo ex cap. Cum minister, 23. quæst. 5. in quo statuitur mini-  
strum iustitiae, si damnatum à Iudice occidat sponte, homici-  
dam esse: hoc est, peccare occidendo, Iudicis etiam iussu, si id  
faciat in finem priuata vindictæ: quia scilicet malum finem  
bono operi constituit. Confirmatur deinde & efficacius ex  
verbis Domini Matth. 6. Attendite ne iustitiam vestram fa-  
ciatis